

UNIVERSITY OF ILLINOIS-URBANA



3 0112 081547116

郭子儀

少年叢書
上海商務印書館發行



DS
749.42
.K86
S86
1926



少年叢書 郭子儀目次

第一章 總論

第二章 忠武之首功

第三章 收復兩京

第四章 魚朝恩之阻扼

第五章 經營河東

第六章 留守長安

第七章 單騎退敵

第八章 忠武之晚年

第九章 遺事

onk street

PS
744.42
K86
S86
1926

少年叢書 郭子儀

第一章

總論

賢人傑士必待明君在位。然後出仕。以行其道。此古人所以祝聖主賢臣。一時遇合也。漢王褒有聖主得賢臣頌然歷數專制之史。明君不常有。必待明君在位。而賢人傑士始肯立於其朝。則亦太隘矣。孟子謂伯夷隘。以其不立於惡人之朝也且時亂主暗。急需救國之臣。猶之錯節盤根。方資鋒利之器也。古之大臣有立身於庸暗之朝。而言聽計從。相得益彰。因以成其蓋天之勛者。則莫如唐郭忠武王。子儀。

郭忠武之威名。爲婦孺所共知。顧多謂忠武際國家多難之秋。天子不得不恃武臣以立國。故忠武握兵自重。而身名俱泰耳。今卽其遺傳而攷之。則知忠武一生所遇。皆極艱難困苦之境。顧能化險爲夷。化危爲安。而出其百戰之勛。再造唐社稷。封王晉爵。大富貴。亦壽考。唐人小說載子儀見空中雲成五色。現大富貴亦壽考六字爲間世一出之名人者。惟恃忠。

誠而已。

古之大臣得君甚專且久用是以身許國發舒抱負不以讒慝短其氣不以投閒墮



陸忠宣公

其功者惟管仲之於齊桓諸葛武侯之於後主

夫齊桓英主故能毅然決然以任管仲而豎刁

易牙開方三人皆桓公之嬖人不能惑武侯在蜀權集於

己德孚於民雖以後主之庸故亦拱己以聽不

為黃皓後主時之宦官所誤而武侯能以功名終若子

儀之所遇者為唐肅代德三宗事急則求良將

亂平則近小人既無齊桓仲父之知齊桓尊管仲為仲父

復無後主丞相之敬後主常稱武侯為丞相而不名同時如陸

贄字敬輿諡忠宣之賢而不見容李泌字長源

也室之智而不終用獨子儀終身無所忤夫豈偶然之遭遇也哉

人臣鞠躬盡瘁死而後已。莫如蜀漢諸葛公。廓然大公。與世無競。莫如北宋司馬公。名光字君實。溫縣人。文正河南。是二人者。一則忠之至。一則誠之至也。郭忠武實兼而有之。夫忠信可及。蠻貊至誠可感。金石而況於人主乎。彼之位極人臣。而主上不嫌其逼。功蓋天下。而中外不疑其叛者。皆此忠誠之氣。有以感之也。

我國大一統之朝。聲威著於華夷者。厥惟漢唐。而唐尤盛。太宗以曠世之才。東征西討。北至蒙古。南至安南。東至遼東。西至青海。唐以前之東夷。北狄。西戎。南蠻。爲中國患者。皆一一收爲藩屬。效順如犬羊。卽其部落。列置州縣。大者爲都督府。以其首領

爲都督刺史。至於玄宗。天下聲教所被之州。三百二十一。羈縻之州。八百五十六。以唐

都督刺史所治之州府。號爲羈縻。言不能使之改化。僅羈縻之而已。置十節度。經略使。以備邊。中外一家。此爲極盛。然

夷狄之人。往來無阻。因以窺見中朝之治亂。而生其野心。有唐中葉之禍。從此作矣。忠武適於其時。應運而生。中國人民。因以免亡國亡種之慘。其關係豈不大哉。

批評

子儀所遭之時勢。尙未至十分棘手之時。彼以武人起家。亦未嘗有避世之志。及建立功名之後。懼爲魚朝恩。程元振。元載。所害。始有引退之心。然卒亦未退。魚朝恩。程元振。元載。見其功高忌之。子儀却始終未與若輩結納。以求免禍。而禍亦未及。蓋其一生待人接物。無非忠誠。故雖奸如魚朝恩。程元振。元載。暗如肅宗。代宗。德宗。亦皆爲其所化。吾人卽不能冀公之功業。何弗先學公之忠誠。本章言「今卽其遺傳而攷之。則知忠武一生所遇。皆極艱難困苦之境。一此蓋兼個人與大局而言。個人之行爲。不諧於俗。旣如上述。而當時之大局。則安祿山反而兩京陷。史思明反而河北失。吐蕃回訖入寇。而西京又失。國家存亡。間不容髮。使公圖一己之安。削跡而去。則誰以一身繫朝野之望乎。若李泌則不然。忽來忽去。惟欲自全其身。而置國家於不顧。才優於德。不及忠武多矣。唐天寶後。以十節度備邊。安西。節度。撫寧。西域。治龜茲。讀如邱慈城。今新疆庫車是也。北庭。節度。防制突厥。施。堅。昆。治北庭都護府。今吐魯番是也。河西。節度。斷隔

吐蕃突厥治涼州。今甘肅武威縣是也。隴右節度備禦羌戎治鄴州。今甘肅西寧是也。朔方節度捍禦突厥治靈州。今甘肅靈縣是也。河東節度與朔方犄角以禦突厥治太原府。今山西太原是也。范陽節度臨制奚契丹治幽州。今直隸順天是也。平盧節度鎮撫室韋靺鞨治營州。今直隸永平縣是也。劍南節度備禦吐蕃南撫蠻獠治益州。今四川成都都是也。嶺南節度綏靖夷獠治廣州。今廣東廣州是也。又有經略使三以防海寇。長樂經略福州領之。東萊經略萊州領之。東牟經略登州領之。此唐治外之大略也。

開元二十一年分天下爲十五道。每道置採訪使。十五道者。京畿治西安、都畿治長安、關內治京官、河南治汴府、河東治蒲縣、河北治魏大名、隴右治鄴西、山南東治南鄭、山南西治南鄭西、劍南治益成都、淮南治揚江都、江南東治蘇吳縣、江南西治洪南昌、嶺南治廣州。此唐治內之大略也。

明萬曆間人李卓吾箸藏書爲廿一史翻案。內分忠誠大臣容人大臣等目。郭汾陽宜可入忠誠之例矣。而乃目之爲容人大臣。其書之顛倒是非。於此可見。

第二章

忠武之

首功

郭子儀。字子儀。諡忠武。今

陝西華縣人

也。唐爲華州鄭縣身

長七尺二寸。

體貌秀傑。少

時嘗犯法當

斬。詩人李白

字太白四川綿人也詩與



杜甫齊名世稱李杜

遊并州見之兩人素不相識也。以奇其貌特爲之營救。因以免死。救子儀一人無異救中國數萬萬人。書生巨眼竟相賞於風塵之外。實忠武生平第一知己。後李白以黨於永王璘叛。朝廷將誅白。時忠武已貴聞之。請解官以贖白。得末減其罪。知己之恩得便。卽報此實英雄之本色也。

忠武少以武舉異等起家。爲天德軍使。

今吳刺武旗西北

兼九原太守。

今鄂爾多斯右翼後旗西一百里

其

時已過中年。而天下太平。八方無事。英雄無用武之地。故亦無所建白。爲天子守邊

而已。天寶十四載。

玄宗在位之第四十三年。自天寶二年後改年稱載。

安祿山反於范陽。

今直隸涿縣

鼙鼓動地。忠

武立功之機會至矣。唐自高祖開基至此。承平日久。朝野皆習於安樂。不知兵爲何

物。名城要塞。皆漫無設備。祿山振臂一呼。河北州縣望風瓦解。不及四月。玄宗幸蜀。

兩京不守。天下騷然。自古大一統之朝覆亡之速。未有若此者也。

祿山以天寶十四年十一月反。明年

二月帝幸蜀。兩京相繼失陷。

然當玄宗出亡蜀中之時。正忠武立功河北之日。苟帝能稍緩須臾。

則豈不較易於收拾哉。此實彼時交通滯緩。有以設之。若在今世。則電信飛馳。早止

馬嵬之駕矣。

馬嵬今陝西興平縣西玄宗幸蜀至此六軍不發楊國忠爲禁軍所殺貴妃楊氏賜死

安祿山之初叛也。黃河流域守土之官。無不開門迎降。起兵討賊者。惟平原太守顏

眞卿。

平原今山東平原縣眞卿字常山今山西恆縣

常山太守顏杲卿耳。

字常山今山西恆縣杲卿死之時忠

武在九原太守任。朝命授爲朔方節度使。率軍東討。先是忠武與李光弼

光弼曾長子丹

卒證

俱在安思順部下。充牙門都將。二人素不相能。雖同盤飲食。常睨目相視。不交

一言。及子儀驟大用。光弼懼。入見子儀曰。「一死固甘。乞免妻子可乎。」子儀趨下。

持抱上堂。而泣曰。「今國亂。主遷。非公不能東伐。豈懷私忿時耶。」執其手。相持而

拜。更薦之於朝。以爲河東節度使。分朔方兵萬人與之。後光弼於安史之亂。多立戰

功。然非忠武。亦安能至此。

忠武使李光弼僕固懷恩破賊於振武。

唐軍名單于都督府治其地在今歸化城南

乘勝直抵東陁關。

州西代

旣而賊將史思明陷常山。顏杲卿殉難。李光弼率蕃漢步騎萬餘人。太原弩手

三千人。出井陘。至常山。克其七縣。惟九門、藁城。

藁城在今直隸九門故城在藁城西北二十五里

尙爲史思

明所據。光弼與思
 明相持四十餘日。
 思明絕常山糧道。
 光弼遣使告急於
 忠武。忠武馳至。與
 光弼軍合。大敗史
 思明於九門城南。
 思明收合餘衆。奔
 入趙郡。今直隸縣自安。
 祿山反。惟忠武此
 戰。能首挫其鋒。而
 以見唐之兵威。猶



在也。其關係豈不大哉。

安祿山聞史思明大敗。更出精兵佐之。忠武集將佐謀曰。「彼恃加兵。必輕我。輕我心不固。戰必克之。」與戰未決。戮一步將以徇。士殊死鬪。遂破之。斬首四萬級。生擒五千人。獲馬五千匹。思明跣足露髮。奔於博陵。定今直隸縣於是河北十餘郡皆斬賊守將以迎王師。忠武威名振於天下。

批評

李白能識忠武於微時。其眼力已可驚矣。白仕於朝。頗見寵用。後見惡於高力士。摘白沉香亭詩中。「可憐飛燕倚新妝」句。進讒於楊貴妃。曰。「白以飛燕相比也。」飛燕漢成帝妃。實一時禍水也。貴妃恙。白以是浮沉不遇。此時子儀已貴。設白自矜其當年垂救之恩。而依附之。亦豈無再起之日。而白顧不屑也。戰國策載唐雎說信陵君曰。「吾有德於人。也不可忘也。」李白有焉。「人有德於我。也不可忘也。」子儀有焉。

安祿山。營州雜胡種也。小名軋犂山。及長。冒姓安。名祿山。解九蕃語。爲諸蕃互市牙郎。張九齡見之。語人曰。「亂幽州者。必此胡也。」欲殺之。玄宗不從。李林甫復薦之。由是特加寵遇。甚至楊妃認爲養兒。出入禁中。等於親王。宰相楊國忠與之不洽。屢譖於上。言其必反。數以事激怒祿山。欲其速反。以取信於上。天寶十四載。遂反於范陽。祿山一胡奴耳。玄宗至愛之。如骨肉。任之如股肱。而終不能使之感恩圖報。狼子野心。復何責焉。語曰。「非我族類。其心必異。」世之棄同種而恃異種者。觀此亦可鑒矣。

戰國時。趙惠文王以藺相如完璧歸趙之功。拜爲上卿。位在廉頗之右。廉頗曰。「我爲趙將。有攻城野戰之大功。而藺相如徒以口舌爲勞。而位居我上。我見相如必辱之。」相如聞。不肯與會。卽偶望見之。亦必引車避匿。舍人皆誚其怯。相如曰。「秦之所以不敢加兵於趙者。徒以吾兩人在也。今兩虎共鬪。其勢不俱生。吾所以爲此者。以先國家之急。而後私仇也。」廉頗聞之。因賓客至相如。

門謝罪卒爲刎頸之交。子儀與李光弼之事亦頗似之。必如此而後具大臣之風格矣。

「先國家之急而後私仇」一語豈惟大臣宜知此理。凡屬國民亦宜知之。如近年英之愛爾蘭與政府不協。其勢洶洶。幾於決裂也。俄之工黨與虛無黨與政府不協。其勢洶洶。幾於決裂也。德之社會黨與政府不協。其勢洶洶。幾於決裂也。匈奧兩國合數十種之民族而統於一王之下。其在平時亦不能悉泯猜疑。今各國戰事一起。昔之秣馬厲兵欲操同室之戈者。皆轉而爲同仇敵愾之人。萬衆一心。抵禦外侮。設彼乘國家之急而行其所欲爲。則豈不易於成功而莫有爲之者無非存一「先國家之急而後私仇」之念而已。如此方不愧爲國民。蓋國民者固與國同休戚者也。

第三章

收復兩京

當玄宗之幸蜀也。行至馬嵬。父老請留。上命太子解釋西行之意。并宣慰之。父老曰。「天子既不肯留某等。願率子弟從太子東破賊。取長安。」謂西京也。若太子與天子同入蜀中。



原。百。姓。誰。爲。之。主。太。子。不。肯。從。建。寧。王。倓。

太子之子後以讒害死

與。李。輔。國。

本名靜忠以宣者得幸肅宗代

宗立惡其專權遣俠者杜滿殺之

執。鞚。音控馬勒也

諫。曰。逆。胡。犯。闕。四。海。分。崩。不。因。人。情。何。以。興。復。太。

子。不。如。收。西。北。兩。邊。之。兵。召。李。郭。

謂李光弼郭子儀

於。河。北。與。之。併。力。東。討。逆。賊。克。復。二。京。

削。平。四。海。使。社。稷。危。而。復。安。豈。非。孝。之。大。者。何。必。爲。兒。女。子。之。戀。乎。夫。以。唐。室。之。

盛。寇。盜。竊。發。卽。欲。棄。兩。京。而。入。偏。僻。之。蜀。其。失。策。亦。已。甚。矣。而。指。陳。得。失。挽。千。鈞。一。

髮。之。危。機。者。乃。出。於。道。傍。之。父。老。朝。中。可。謂。無。人。使。無。父。老。之。諫。則。中。原。無。主。忠。武。

雖。有。迴。天。之。力。亦。安。所。施。其。技。從。此。知。英。雄。成。事。亦。有。天。焉。

當。忠。武。大。破。史。思。明。後。卽。欲。直。搗。范。陽。以。傾。賊。巢。乃。哥。舒。翰。

本突厥人潼關失陷降於祿山後爲祿山所殺

唐猶追贈太尉諡武愍

之。敗。報。忽。至。先。是。哥。舒。翰。守。潼。關。以。大。軍。未。集。不。敢。迎。戰。而。楊。國。忠。假。

上。命。日。夜。迫。之。翰。不。得。已。撫。膺。慟。哭。引。兵。出。關。爲。賊。將。崔。乾。祐。所。敗。潼。關。遂。陷。玄。宗。

在。宮。見。平。安。火。不。至。

注見後批評中

知。潼。關。不。守。遂。與。楊。國。忠。等。倉。卒。出。亡。幸。忠。武。聞。太。子。

已。在。靈。武。

今甘肅靈州西北

卽。位。

是爲肅宗

卽。率。步。騎。五。萬。自。河。北。來。勤。王。是。時。肅。宗。初。立。朝。威。

未振忠武至興復之勢民有望焉

唐以長安爲西京洛陽爲東京今並陷於賊則眼前之事孰有急於收復兩京

者哉招討節度使房瑄者

瑄字次律河南人

平

時喜賓客好談論思立不世之功以自

顯請將兵復兩京上許之瑄效古戰法

用車戰以牛車二千乘馬步夾之賊順

風鼓譟牛皆震駭火焚之人畜大亂死

傷四萬餘人肅宗知此重大之業非忠

武莫可任者而忠武亦受命而不辭

忠武以爲欲復西京必先掃其四郊之

賊壘而後可乃先取潼關復蒲州收陝



周時烽火

邑。自是潼陝之間。

無復寇鈔。至德

肅宗

年號二載九月。上勞

饗諸將。遣攻長安。

謂忠武曰。『事之

濟否。在此行也。』

對曰。『此行不捷。

臣必死之。』破釜。

沈舟。志亦壯矣。回

紇懷仁可汗

回紇
舊唐

書作迴紇今之庫
倫是也可汗即君

長之意天寶末封
其王爲懷仁可汗



遣其子葉護等將精兵四千餘人來會忠武與葉護宴狎修好相與誓平國難約爲

兄弟廣平王俶

肅宗太子卽代宗也時爲兵馬大元帥子儀副之

將朔方等軍及回紇西域之衆共十五萬

發鳳翔

今陝西縣

至長安城西陳於香積寺

在長安縣東神禾原上

北澧水之東忠武將中軍李嗣

業爲前軍王思禮爲後軍賊將李歸仁以十萬兵陳於其北歸仁出挑戰官軍逐之

逼於其陳賊軍齊起官軍却李嗣業曰「今日不以身餌賊軍無子遺矣」乃肉袒

執刀大呼奮擊殺數十人陣乃稍定回紇以騎兵出賊陣之後夾攻之賊軍大潰自

午至酉斬首六萬級官軍入長安老幼百萬夾道歡呼皆曰「不圖今日復見官軍」

軍士大休三日

安慶緒

祿山之子至德二載殺父自立改元天

和聞西京旣失悉發洛陽兵使嚴莊張通儒將之步騎猶

十五萬與官軍遇於新店

在陝州西

依山爲陣聲威甚壯忠武以大軍擊其前回紇登山

乘其背而賊潛師於山中大軍稍却賊更分兵三千人絕唐歸路衆心大搖忠武揮

回紇令進於黃埃中發十餘矢賊驚顧曰「回紇來矣」遂潰官軍與回紇夾擊之

賊大敗走。安慶緒棄洛陽。渡河保相州。今河南漢縣忠武奉廣平王入東京。陳兵於天津橋南。士庶歡呼於路。尋入朝。天子遣兵仗戎容。迎於灞水之上。肅宗勞之曰：「雖吾之國家。實由卿再造。」忠武頓首感謝。

批評

唐書及通鑑。皆謂哥舒翰之敗。由楊國忠忌之之故。據安祿山事迹。唐華陰縣尉姚汝能纂

所記。則翰亦不能無罪焉。翰至潼關。軍中之務。不自躬親。盡委之於田良邱。其將王思禮、李承光。又爭長不協。全無鬪志。及出師。未陣而潰。爲麾下人拔歸。仁執降於祿山。翰兵十五萬。賊兵一萬。以十五萬之衆。更憑潼關之險。乃敗於一萬之寇。以致西京不守。天子出奔。幾使中國爲夷狄。其罪大矣。及見祿山俯伏乞哀。稱肉眼不知聖人廉恥。更安在哉。

史記：「周幽王爲烽燧。有寇舉之。」正義曰：「晝日燃燧。以望火煙。夜舉燧。以望火光也。烽。土櫓也。燧。炬火也。皆山上安之。有寇舉之。」當交通不便之世。得

此已爲便利周幽王。不愧發明史上之一人物矣。自周以後歷代行之。通鑑注引唐六典曰。一烽候所置。大率相去三十里。若有山岡隔絕。須逐便安置。得相望見。不必要限三十里。其逼邊境者。築城而置之。每烽置帥副各一人。其放烽有一炬兩炬三炬四炬。隨賊多少爲差。通鑑注引太宗實錄曰。一初羅士信取千金堡。太宗令屈突通守之。王世充自來攻堡。通懼。舉烽請救。太宗度通力堪自守。且緩救以驕世充。通舉三烽以告急。太宗方出援之。一觀此。知唐人以舉火之多少示軍情之緩急。其法更精矣。玄宗時。潼關失陷。見平安火不至。遂出奔。不云烽火。而云平安火。當又是一種。惜不能考也。烽火之法。近世久已不用。惟高麗猶奉行維謹。西人謂之高麗電報。至國亡而後已。

房瑄與杜甫交好。故世皆重之。兵敗之後。李泌猶爲營救。得以不死。其實瑄之庸妄。一死亦不爲冤。世謂人之賢否。至蓋棺而後論定。其實人之賢否。卽史上亦無定論。

忠武復兩京。其功大矣。而借兵回紇。實是失着。據唐書。謂肅宗速欲得京師。與回紇約曰。「克京之日。土地士庶歸唐。金帛子女歸回紇。」及城破。回紇欲如約。廣平王俶拜於馬前曰。「今始得京師。若遽俘掠。則東京之人。皆爲賊固守。不可復取矣。願至東京。乃如約。」及取東京。回紇縱兵大掠。意猶未厭。更賂以羅錦萬匹。乃止。當肅宗初年。兩京雖陷。東南諸道。猶爲完善。靈武兵力雖弱。何不徵勤王之師。而乞援於回紇乎。忠武不能匡正。殊失大臣之體。兩京之民。旣陷賊中。官軍克復。再受外人之刼掠。旣苦我民。亦失國體矣。回紇自恃功高。其心終不饜足。代宗之初。竟合吐蕃入寇。唐人得不償失。每讀史至此。未嘗不爲之廢書三歎也。

安祿山以天寶十五載正月。僭稱雄武皇帝。國號曰燕。改元曰聖武。以范陽爲東都。至德二年正月。爲其子慶緒所殺。僭竊三年。年五十五。

魚朝恩之阻扼

肅宗至德二載。兩京皆復。上皇返宮。

上皇謂玄宗也。肅宗立。尊爲太上皇。至是迎還西京。

而安慶緒在鄴。猶據

七郡。史思明在范陽。猶據十七郡。高秀巖在河東。亦擁兵數萬。唐之君臣。未能高枕

無憂也。未幾。史思明。高秀巖。各以所部來降。唐人大喜。乃思明反覆。降而復叛。兩京

殘破。守之非易。時事之艱。不減於靈武。卽位之初。而李輔國。魚朝恩。

魚朝恩。領內兵。權傾中外。

外後繼殺之。

相繼用事。蔽賢誤國。肅宗不悟。任用將相。遂不能如前之專。此唐之所以終

於不振也。

乾元元年。

肅宗第三年。

九月。九節度之師討安慶緒。忠武與焉。朝廷以九節度勛位相等。

難相統屬。故不置元帥。而以魚朝恩爲觀軍容宣慰處置使。


觀軍容之名。始此。

方安慶緒之棄東都而北走也。手下步騎。離散略盡。疲卒纔一千。騎士三百而已。至

濠陽縣界。時河東節度使李光弼。屯卒一萬。軍馬三百在濠陽。慶緒處必死之地。謂

諸弟曰。「一總。是死。不如刀頭取決。」領家童數百。設奇計。大破官軍。慶緒遂分八

道告捷。令諸軍依限屯集。諸賊逆心又固。受其招誘。旬日之中。會者數十萬。慶緒改相州爲安成府。九節度軍圍之。城中甚危。旦夕可下。慶緒窮蹙。求救於史思明。思明乃引兵來援。諸將皆欲襲思明。忠武欲引安陽河水灌城。謀議不協。遂列大陣於鄴。



縣南十里。步騎六十萬。軍容甚壯。終以軍無統帥。進退無所稟。士卒離心。思明之兵蓄銳已久。兩軍激戰。未分勝負。天忽起狂風。吹沙拔木。天地盡晦。城下諸軍望見。迴軍以爲賊。徒大至。一時盡潰。戰馬萬匹。甲仗十萬。遺棄殆盡。忠武行二三里。駐馬以待師。與諸將斷河陽橋。以保東都。詔諸軍各還本鎮。以忠武爲東都留守。慨自祿山造反。天下震驚。今元惡已死。惟存餘孽。設以忠武爲大將。令八節度受其指揮。則何難一鼓蕩平哉。乃以魚朝恩爲觀軍容使。位在九節度之上。使將士短氣。以至於敗。肅宗之昏庸甚矣。

魚朝恩夙忌子儀。功高望重。恐不利於己。久思中傷之。從來君子與小人。勢不兩立。然君子之心坦然。廓然。未必有嚴防小人之心。而小人自覺其平日之行爲皆不可爲。君子所知。因日夜圖之。而君子危矣。九節度軍潰於相州。非忠武之罪也。兵敗而斷河陽橋。東都不致再陷。是忠武不但無罪。且又有功。魚朝恩乃歸罪於忠武。而譖之。遂奪其兵柄。召還京師。以李光弼代領其軍。



忠武受命。卽日就
道。士卒涕泣遮留。
忠武給之曰。「我
往餞送。欽使耳。非
行也。」因躍馬而
去。光弼以五百騎
赴東都。夜入其軍。
兵馬使張用濟屯
河陽。與諸將謀以
精銳突入東都。逐
光弼。請復用忠武。
命其士皆披甲上

馬以待。或謂用濟曰：「君以兵逐李公。朝廷必疑郭公。諷君爲之。是破其家也。」郭公百口。百口謂其家中數百人也。何負於君乎？」用濟乃止。光弼以數千騎東出汜水。用濟單騎來謁。光弼責而斬之。忠武雖不見用。以國難未平。不遑寢息。俄而史思明再陷河洛。吐蕃亦有南侵之勢。朝廷震恐。有言於上者曰：「子儀有社稷大功。今殘孽未除。不宜置之散地。」肅宗深然之。上元二年九月。以忠武爲諸道兵馬都管使。取范陽。詔下旬日。復爲魚朝恩所阻。

批評

史思明乃安祿山之宿將。慶緒僭位。懼思明不服。因寵異之。賜思明姓安氏。改名榮國。封嬀川王。然思明不爲所動。尋以河北降唐。唐封爲歸義王。任范陽節度使。李光弼以思明終當叛亂。而烏承恩爲思明所親信。陰使圖之。又勸上以承恩爲范陽節度副使。令圖思明。上從其計。事洩。思明殺承恩。肅宗又慰諭之曰：「此非朝廷之意。皆承恩所爲。殺之甚善。」思明遂反。自稱大聖燕王。大凡

處置大事不可逆詐。思明果叛。設法防之。可也不能出此。至於暗殺暗殺。不成。反以慰諭國家之威信。安在哉。使忠武當國。必不有此失算之事。

唐人稱郭李爲元勳。其實李之功業。遠不如郭。卽以人品論。亦出郭下。當朔方受代之際。使郭李易地而居。恐光弼不能如子儀之略無芥蒂矣。二人優劣。可以此定之。

專制之主。長於深宮之中。養於婦寺。

寺謂太監

之手。故不知世務。肅宗遣九節度合

兵討安慶緒。以郭李皆元勳。不能相統屬。遂以宦官魚朝恩爲觀軍容使。令九節度皆在其下。夫九節度勳位相等。且不能李使郭。郭使李。以一宦官之賤。而欲令其指揮九節度之尊。此非極不通世務之人。必不爲此。宜其敗矣。肅宗復不悟致敗之由。更信魚朝恩之言。以去忠武。其昏愚亦不可及也。

史思明大勝官軍。不與慶緒相見。慶緒大懼。上表稱臣於思明。思明報書。言願約爲兄弟。慶緒大喜。以三百騎詣思明營。思明陳兵待之。引入再拜。忽震怒曰。

「爾爲子殺父。天地所不容。吾今當討賊。豈受爾佞媚乎。」命左右牽出殺慶緒。并及其黨。

史思明殺慶緒。立次子朝興爲太子。長子朝義爲懷王。使朝義與官軍戰。皆敗。思明大怒。欲斬之。朝義惶懼不自安。左右駱悅、蔡文景勸朝義弑父而自立。悅等遂往。思明右臂中箭。問悅等曰：「是何人作難？」對曰：「懷王所命。」思明曰：「我朝來語錯。合招此事。然汝廢我太早。何不待我收長安。終歸汝事。今雖廢我。汝必不成。」因急呼朝義小名者三曰：「莫殺我。我不惜死。恐汝有殺父之名。」悅等終殺之。朝義後亦爲其將李懷仙所殺。

合安史之事觀之。則知不義之人。未有能善終者。天道好還。可不畏哉。

第五章

經營河東

肅宗雖猜疑忠武。而事勢危迫。終不能不屈已相從。使其生當敵國外患不起之時。

以肅宗爲之主。魚朝恩元載爲之同列。則忠武之廢棄久矣。時世造英雄。豈不信哉。上元二年二月。李光弼兵敗於邙山。河陽失守。魚朝恩退保陝州。三年二月。河中太原軍皆亂。朝廷恐其合縱連賊。甚以爲憂。後輩帥臣威望不足者。又不能彈壓。乃起忠武爲河北諸州節度行營兼興平國副元帥。進封汾陽王。出鎮絳州。今山西平陽公忠體國之大臣。古之明君所禱祀以求之者也。肅宗明知忠武有撥亂之才。乃廢而不用。至於萬不得已而後用之。此誠可爲懷才不遇者一哭。忠武卽在投閑置散之中。一聞朝命。不記前嫌。卽日赴召。其忠君愛國之心。千載下如見也。

忠武將赴鎮。肅宗方臥病。羣臣皆不能入見。忠武請曰。「老臣受命將死於外。不見陛下。目不瞑矣。」帝乃引至臥內。謂忠武曰。「河東之事。一以委卿。」忠武感激。知遇爲之流涕。君臣相契。至於如此。讀史者將謂忠武此行必能竟其功。乃出師未久。肅宗晏駕。天子崩曰晏駕。朝局一變。閫外之寄。以外將軍主之。以內寡人主之。圖又不能專矣。

忠武一出京。京外之強藩悍將。聞其威名。莫不奉命維謹。無何。肅宗崩。代宗嗣位。程元振有寵。忌功臣宿將。忠武功尤高。忌之又甚於他將。日夜在新主前譖之。意欲罷其副元帥。改充肅宗山陵使。是欲使其去攘夷平內之重任。而爲皇陵督工。長材短用。寧不令豪傑灰心耶。忠武知之。內不自安。上表進肅宗所賜前後手詔。因自陳訴其詞曰。

臣德薄蟬翼。命輕鴻毛。

蟬翼至薄。鴻毛至輕。借物以自喻也。

累蒙國恩。猥廁朝列。會地震蕩。中原

血戰。臣北自靈武。

肅宗即位。即地。

舉兵而南。先帝憂勤宗社。託臣以家國。俾副陛下掃兩

京之妖霧。

代宗爲太子時。充兵馬大元帥。子儀爲副。合力收復兩京。

陛下雄圖丕斷。再造區宇。自後不以臣寡

劣。委文武之二柄。外敷邦教。內調鼎鉉。是以常許國家之死。實荷日月之明。臣本

愚淺。言多詆直。慮此招謗。上瀆冕旒。

冕旒。冠指代宗也。

陛下居高聽卑。察臣不貳。皇天

后土。察臣無私。伏以器忌滿盈。日增兢惕。焉敢偷全。久妨賢路。自受恩塞下。制敵

行間。東西十年。前後百戰。天寒劍坼。血濺征衣。野宿魂驚。飲冰傷骨。跋涉難阻。出

沒死。所仗惟天。以至今日。先帝曲垂惠獎。念及勤勞。貽臣詔書一千餘首。聖旨微婉。慰諭綢繆。彰微臣一時之功。成子孫萬代之寶。凡二十卷。昧死上進。庶煩聽覽。

代宗爲太子時。與忠武少同患難。覽奏。下詔答曰。「朕不德不明。俾大臣憂疑。朕之過也。朕甚自愧。公勿以爲慮。」程元振之譖。遂不果行。

批評

方史思明之據東京也。其兵甚銳。李光弼不敢與之爭鋒。或謂肅宗。思明之將士。皆燕人。久戍思歸。上下離心。急擊之。可破也。魚朝恩亦信以爲然。上勅光弼進取。僕固懷恩附朝恩。亦言東京可取。蓋懷恩所部。恃功不法。忠武常優容之。每用兵。倚以集事。光弼一裁之以法。懷恩怨之。故附會朝恩。及與光弼合兵攻洛陽。又故與之相左。光弼遂大敗。懷恩以私怨敗國家大事。罪固當誅。然唐如任用忠武。則安得有此。

唐自安史亂後。中央政府之威令。不能及於各道。於是各道節度使。皆不奉命。生殺自專。紀綱蕩然。肅宗末年。河東軍殺其節度使鄧景山。擅以兵馬使辛雲京爲節度使。絳州行營殺其都統李國貞。鎮西北庭行營殺其節度使荔非元禮。推裨將白孝德爲帥。及忠武出鎮。此風稍戢。

初唐承六朝之風。一切文字。無非駢儷。駢儷亦稱駢體。與四六文不同。四六始於宋也。如忠武表文是

也。至韓文公起。始興古文。謂復三代秦漢之體。故曰古文。其實六經之中已見。

駢辭。晉唐之世。亦有散文。韓文未興以前。六朝人以直言爲文。即近世所謂之散文。加辭

爲章。即近世所謂之駢文。阮元擘經室集。嘗論及之。學者觀之。可以自悟。

第六章

留守長安

時安慶緒史思明雖死。思明之子朝義。尙據洛陽。雍王率師進討。雍王名暹。代宗子。即德宗也。議

以忠武副之。而魚朝恩。程元振。亂政格之不行。俄而梁崇義據襄陽叛。僕固懷恩起。

兵於汾州。引回紇吐蕃之衆。入寇河西。廣德元年代宗號冬十月。吐蕃至奉天。乾縣

京師震駭。急令忠武出鎮河陽以禦之。閒廢日久。部曲離散。倉卒召募。得二十騎而

行。及至咸陽。吐蕃已過渭水。忠武請益兵。又

爲程元振所阻。吐蕃遂入西京。代宗出奔陝

州。六軍逃散。多往商州。今陝西縣暴掠。

忠武謂其將王延昌曰。一大軍逃潰。多往商

州。速往收之。延昌徑往撫諭之。諸將方縱


兵暴掠。聞忠武諭。皆大喜。聽命。得四千人。軍

勢稍振。忠武乃泣諭將士以共雪國恥。取長

安。皆感激受約束。

代宗在陝州。慮吐蕃出潼關。徵忠武詣行在。

天子所在之處忠武表曰。臣不收京城。無以見陛下。若兵出藍田。今陝西縣寇亦不敢東



官 秀 段

向。」上許之。鄜坊節度判官段秀實。

字成公。汾陽人。朱泚反。秀實以笏擊之。遂遇難。

說白孝德引兵赴難。孝

德卽日引兵趨京畿。與蒲陝華商之兵合勢進擊。吐蕃聞之大懼。京師百姓又恐之。

曰。「郭汾陽王自商州將大兵至矣。」吐蕃不戰而退。西京乃復。忠武奉命爲西京留守。

自西蕃入寇。天子東走。天下皆歸過於程元振。太子尤深惡之。元振懼。見忠武復立功。上必聽從其言。乃勸天子毋還長安。而都洛陽。此忠武留守之命所由來也。長安自唐初作都。以來。經累朝之經營。宮殿市廛。皆極一時之盛。其時天下之大勢。不趨於江海。而趨於陸。我國形勝當海道。未通以前。作都之地。莫有善於關中者也。忠武因上疏論之曰。

臣聞雍州之地。

秦地於禹貢爲雍州之域。

古稱天府。右控隴蜀。左扼嶢函。

嶢函二山名。

前有終南太

華之險。後有清渭濁河之固。神明之奧。王者所都。地方數千里。帶甲十餘萬。兵強士勇。雄視八方。有利則出攻。無利則入守。此用武之國。非他方所同。秦漢因之。卒

成帝業。其後或處之而泰。或去之而亡。前史所書。不惟一姓。及隋氏季末。煬帝南

遷。

煬帝即位以洛陽爲東京自長安都此築芳華苑窮極侈麗以迄於亡

河洛邱墟。兵戈亂起。高祖唱義。亦先入關。

故能剪滅羣雄。底定區宇。以至於太宗高宗之盛。中宗玄宗之明。多在秦川。鮮居

東洛。間者羯胡。

羯胡匈奴別種今山西遼州即其故居胡者北狄之通稱安祿山等唐人皆目之爲胡

搆亂。九服分崩。

九服猶言

九方也

河北河南。盡從逆命。然而先帝指肅宗仗朔方之衆。慶緒奔亡。陛下藉西土之

師。朝義就戮。

賊將田承嗣李懷仙殺史朝義來降懷

豈惟天心就順。抑亦地勢使然。此陛下所知。非臣

飾說。近因吐蕃凌逼。

繼

駕東巡。蓋以六軍之衆。素非精練。皆市肆屠沽之人。務挂

虛名。苟避征賦。及驅以就戰。百無一堪。又中官

即太監

掩蔽。庶政多荒。遂令陛下震

蕩不安。退居陝服。斯蓋關於委任失所。豈可謂秦地非良者哉。今道路云云。不知

信否。咸謂陛下已有成命。將幸洛陽。臣熟思其端。未見其利。夫以東周之地。久陷

賊中。宮室焚燒。十不存一。百曹荒廢。曾無尺椽。

謂衙署皆已荒廢也

畿內不滿千戶。井邑榛

棘。豺狼所嘯。旣乏軍儲。又鮮人力。東至鄭汴。達於徐方。北自覃懷。經於相土。人煙

斷絕千里蕭條。將何以奉萬乘之牲餼。供百官之次舍。況其土地狹隘。纔數百里。東有成皋。西有二室。險不足恃。適爲戰場。陛下奈何棄久安之勢。從至危之策。忽社稷之計。生天下之心。臣雖至愚。竊爲陛下不取。

代宗覽奏。不覺垂泣。諭左右曰。「子儀用心。眞社稷臣也。可急還京師。」十一月。車駕自陝還宮。忠武伏地請罪。帝駐車勞之曰。「朕用卿不早。故及於此。」嗚呼。此言也。其猶有自知之明也夫。

批評

吐蕃入寇。諸將不來勤王。百姓不爲固守。坐視中國之亡。此非時人之無愛國心也。實憤帝之用程元振耳。太常博士柳沆一疏。可作國民之代表。其辭曰。「大戎犯闕。度隴不血刃而入京師。武士無一人力戰。此將帥叛陛下也。陛下疏元功。委近習。日引月長。在庭無一人犯顏回慮。此公卿叛陛下也。陛下始出都。百姓填然奪府庫。相殺戮。此三輔叛陛下也。自十月朔。召諸道兵。盡四十日。無

隻輪入關。此四方叛。陛下也。陛下既欲存宗廟。安社稷。獨斬程元振。首馳告天下。悉出內使。隸諸州持兵符付大臣。然後削尊號。下詔引咎。如此而兵不至。人不感。天下不服。臣請闔門寸斬以謝陛下。其言甚壯。代宗猶以程元振有保護之功。僅削官爵。放歸田里而已。由此觀之。專制之朝。是非不明。至此而國不亡者。倖也。

我國文明。至唐而極盛矣。其菁華皆聚於西京。今覽唐人說部所載。可知其概也。玄宗而後。寇盜屢作。已多殘毀。加以黃巢之焚掠。五季之紛紜。而唐人遺跡盡矣。後世雖欲見先民之規範。以資模仿。而不可得。可勝嘆息。近有英人史泰音者。遊歷新疆。於沈沙中得唐人殘破之物。有木器。陶器。繡品等物。歐人見之。驚爲至寶。我國併此殘物。亦不得也。

肅代之時。版圖日蹙。迥非開元以前比矣。雲南爲南詔所有。而吐蕃乘間蠶食。鳳翔以西。鄭州以北。悉被其患。山南劍南諸邊州。亦往往沒於吐蕃。忠武奉命。

馳驅亦僅能拒之而已。不能復其故疆也。代宗不能勵精圖治。惟思遷都以避其鋒。不知我能往寇亦能往。即使遷都亦不過偷安旦夕。安見其能長治久安哉。

第七章

單騎退敵

自古未有小人在於君側。而大將能立功於外者。代宗雖因柳沆之言。不用程元振。然元振仍衣婦人服。伏處宮中。忠武憂讒畏譏。意不自安。常欲棄官歸隱。繼范蠡之蹤。范蠡相越滅吳功成之後追留侯之迹。張良封留侯晚歲棄官而歸自云從仙人赤松子遊又以大臣當與

國同休戚。當此時事方艱之日。夫豈人臣獨善之時。徘徊未發。而僕固懷恩鐵勒人勒之

警告又至。

僕固懷恩昔助唐收復兩京。有大功。一門死王事者四十六人。後魚朝恩與之不和。懷恩積不能平。遂反。時邠州今陝西縣別駕李抱真字太元自邠州還京。上召見問計。抱真

對曰。「此不足憂也。朔方將士思郭子儀如父兄。陛下誠以子儀鎮朔方。彼皆不召而來矣。」上然之。以忠武爲關內河東副元帥。河中節度等使懷恩將士聞之。皆曰。「吾輩從懷恩爲不義。何面目見汾陽王。」

廣德二年。僕固懷恩復誘吐蕃回紇黨項數十萬人入寇。朝廷大恐。忠武謂此不足憂。懷恩雖驍勇。素失士心。今所以能爲亂者。引思歸之人耳。懷恩本臣偏將。其下皆臣之部曲。恩信嘗及之。今聞臣至。必不忍以鋒刃相向。以此知其無能爲也。

忠武至奉天。諸將皆請擊賊。忠武曰。「敵軍深入。利於速戰。彼下素德我。吾緩之。當自攜貳。」因下令敢言戰者斬。堅壁待之。果不戰而退。寇去。忠武自涇陽今陝西縣入朝。

賜與鐵券。隨命出鎮河中。

永泰元年。吐蕃自北道趨奉天。黨項自東道趨同州。吐谷渾奴刺刺盧達及吐自北

道趨盤屋。

盤屋音舟。實今縣屬陝西山。曲曰盤水。曲曰屋。

回紇繼吐蕃之後。懷恩又以朔方兵繼之。忠武奏

寇皆騎兵。其來如飛。不可輕視。請使諸軍節度各出兵以扼其衝要。上從之。未幾懷

恩得暴疾死。吐蕃十萬至奉天。始列營朔方。兵馬使渾瑊音嚴、城曉音嚴、勇善戰、諡忠武、帥驍騎二百。衝之。吐蕃披靡。城夾其一。將躍馬而還。士氣大振。夜引兵襲之。殺千餘人。會大雨旬日。寇不能進。大掠而去。

吐蕃退至邠州。遇回紇。復相與入寇。合兵圍涇陽。忠武命嚴備而不出戰。時二寇聞懷恩死。爭長不相睦。忠武聞之大喜。乃遣牙將李光瓚說回紇。約與共擊吐蕃。回紇聞忠武尚在。不信。謂光瓚曰：「令公時子儀官尚書令故稱尚存乎？僕固懷恩言唐天子已棄


四海。令公亦捐館。捐館謂人亡也中國無主。故從之來也。令公果在。可得見乎？」光瓚回報。

忠武曰：「今衆寡不敵。難以力勝。昔與回紇相契。甚厚。不若挺身說之。可不戰而平也。」諸將請選精騎五百爲衛。忠武曰：「此適足爲害耳。」郭晞公之第三子扣馬諫曰：

「大人國之元帥。奈何以身爲寇餌？」忠武曰：「今戰則父子俱死。而國家危。往以至誠與之言。或幸而見從。則四海之福也。不然。則身沒而家全。」以鞭擊其手曰：「去。遂與數騎出。使人傳呼曰：『令公來。』回紇大驚。大帥藥葛羅可汗之弟也。執弓注

矢立於陣前。忠武免胄釋甲。投槍而進。諸酋長相顧曰。「是也。」皆下馬羅拜。





忠武面藥葛羅而讓之曰。「汝回紇有大功於唐。唐之報汝。亦不薄。奈何負約。深入吾地。棄前功。結後怨。背恩德而助叛臣乎。且懷恩叛君棄母。」懷恩反其母提刀逐此賊於汝何有。言懷恩君親且不顧與回之有何恩意乎今吾挺身而來。聽汝殺之。我之將士。必致死與汝戰矣。藥葛羅曰。「懷恩欺我言。天子晏駕。令公亦捐館。中國無主。我是以來。今皆不然。懷恩又爲天所殺。我曹豈肯與令公戰乎。請爲公盡力以謝過。」忠武卽取酒與其酋長共飲。先執酒爲誓曰。「大唐天子萬歲。回紇可汗亦萬歲。兩國將相亦萬歲。有負約者。身隕陣前。」藥葛羅亦曰。「如令公誓。」於是諸酋長大喜曰。「軍中巫言此行安穩。不與唐戰。見一大人而還。今果然矣。」忠武因說之。轉攻吐蕃。回紇遣其首領入朝。而率全軍進攻吐蕃。大破其衆十餘萬於靈武臺西原。所獲牛羊駝馬三百里而不絕。當寇警之迭至也。代宗方與百官講佛經於西明寺。設無子儀。則陷梁元帝之覆轍必矣。回紇軍中見一大人而還。此實千古未有之佳話。非忠武其孰當之。

批評

朝政清明。則能化敵爲友。否則化友爲敵。僕固懷恩。回紇。吐蕃。昔皆助唐平安。史之亂。曾不數年。卽率兵入寇矣。可知隣國之向背。何常。惟視內政之治否。爲準。今之交隣。尤注重此點。蓋一國之土地。至富也。擁此至富之土地。而國民無愛國之心。內亂大作。貧弱日見。此猶委金於地。行路之人。誰不生心。此爭彼奪。更足引起列國之大亂。於是列國指此不治之國。爲擾亂世界和平之公敵。而不得不瓜分之。如波蘭之見。分於俄德奧三國是矣。或屈伏於一國勢力之下。而種族淪亡。如高麗之見。滅於日本是矣。嗚呼。前車不遠。邦人君子。尙深念之。吐蕃回紇。率數十萬人。入寇中原。唐人萬不能敵。設戰而竟敗。則事不可爲矣。子儀必不得已。乃爲此冒險徼倖之事。其所恃者。爲夙與回紇有恩之一段。因緣而已。觀其對子之言。雖似計出萬全。實已置性命於度外。可知平時內力不充者。一遇患難。則雖有大人。物亦莫可挽救。猶之病亟之人。雖有神醫。亦不能。

起死回生也。

或問當今之世。敵國來伐。至不能抵抗之時。老臣宿將。有如水儀之單騎赴敵者。不亦可乎。則應之曰。微論今之中國。無威望著於中外之大臣。如水儀者。卽有之。寇亦不能不戰而退也。前代之戰。和皆憑一人之威福。忽起忽滅。事斷在心。故子儀說動其大將。立能化干戈爲玉帛。并能使之背吐蕃之盟而反擊之。今日各國之戰。國民欲戰也。和國民欲和也。豈能憑一人爲進退哉。戰國策所載蘇秦張儀諸策士。一言能令諸侯怒。一言能令諸侯喜。顛倒是非。玩弄萬乘之君如嬰兒。使蘇秦張儀居今之世。恐亦未能若此之易售也。

唐時人臣有大功。則賜以鐵券。券上刻文。許其犯死罪九次。或三次。皆不論抵。卽免死牌也。唐初鐵券。今不可見。宋程大昌演繁露云。唐鐵券半缺。形如小木。甌上有四竅。可以穿條。凸面鐫字。陷金以煥之。中分其器爲二。一以藏官。一以授諸得券之人。唐末昭宗乾寧四年。賜與錢武肅王之鐵券。至今猶藏天台錢。

氏金石契云。其形如孔。方廣約一尺五寸。鎔鐵而成。鏤金爲字。未知代宗所賜者。與此同焉否也。錢氏鐵券。凡二十六行。行十四字。計三百三十二字。字畫全者一百四十七。至今千有餘年矣。是誠歷史上之古物也。

第八章

忠武之晚年

唐主肅代之時。強藩專權。閭閻凋敝。故西蕃之寇屢作。一有警至。長安卽不能安居。大局如此。雖有忠武。亦難挽救。使其生當國家全盛之時。何難率偏師以擊匈奴。領從者而開西域。如漢之衛青。霍去病。張騫。班超之所爲也。以此知有國者。當及國家無事之時。而公保其國家之昌盛。則猶可及也。如至危亡。卽在目前。而始憬然發愛國之心。思恢復其昔日之榮名。是已不可爲矣。忠武雖以權變說退回紇。擊敗吐蕃。知此終非長治久安之計。還朝之後。代宗召見延英殿。語及西蕃充斥。苦戰不暇。言之涕零。嗚呼。老臣憂國。天步方艱。其心如見也。

忠武念制敵非練兵不
可。然連年荒亂。民不聊
生。籌餉又不易也。在河
中日。自耕百畝。爲將士
先。於是士卒皆不勸而
耕。野無曠土。軍有餘糧。
忠武年益高。功愈崇。雖
強藩悍將。無不畏之如
神。走卒小夫。無不敬之
如父。田承嗣者。史思明
之降將也。據魏州。傲很
無禮。爲諸節度最。忠武



嘗遣使至承嗣西望拜之。指其膝謂使者曰：「茲膝不屈於人。若干歲矣。今爲公拜。」李靈曜據汴州。公私財賦一皆遏絕。忠武封幣過其境。莫敢留之。必持兵衛送。其爲豺虎所服如此。

德宗建中二年。忠武年八十五矣。夏病甚。六月十四日。遽薨於位。人誰不死。有輕於鴻毛者。有重於泰山者。如公之死。非所謂重於泰山者耶。有八子七壻。皆爲朝廷重官。諸孫數十人。每羣孫問安。不盡辨。領之而已。參佐官吏六十餘人。位至將相者。不可勝數。歲入官俸二十四萬貫。唐時千錢曰貫私利不在焉。其宅在親仁里。居其里四分之一。中通長巷。家人三千。相出入者。不知其居。前後賜良田美器。名園甲館。不可勝紀。代宗不名。呼爲大臣。天下以其身爲安危者。殆二十年。公之幸福。求之史上。不見有第二人。其死也可無遺憾矣。所惜朝有佞臣。野多敵國。雖馳驅一世。而臨命之際。猶不免賈志沒地。長懷無已之慨焉。從知專制之國。雖得人。亦不能治。而人之立於其朝者。亦惟自盡其鞠躬盡瘁之心。而置成敗利鈍於不顧也。

史臣裴洎音忌曰。「汾陽事上忠誠。臨下寬厚。每降城下邑。所至之處。必得士心。前後

遭逢倖臣程元振。魚朝恩。譖毀百端。時方握強兵。或方臨敵陣。詔命徵之。未嘗不卽
日應召。故讒謗不能行。麾下老將。若李懷光輩數十人。皆王侯重貴。子儀頤指進退。
如僕隸焉。權傾天下。而朝不忌。功蓋一代。而主不疑。侈窮人欲。而君子不之罪。富貴
壽考繁衍。安泰哀榮。終始人道之盛。此無缺焉。」忠武一生。此爲定論矣。

忠武長子名曜。性孝友謙謹。嘗代忠武治家。少長千人。皆得其所。諸弟急飾池館。盛
其車服。曜以儉樸自處。貴介子弟。能自克如此。未易得也。忠武薨。楊炎盧杞相次用
事。勲臣之後。尤爲所忌。而郭氏不爲所害。皆曜之力也。

晞忠武第三子。少善騎射。常從父征伐。累建奇功。曜忠武第六子。尙代宗第四女昇
平公主孫鈞。曾孫承嘏。亦皆有名。子孫世貴。與唐社稷相終始。可謂自古未有之盛
事。此可以驗君子之澤矣。孟子曰。君子之澤。五世而斬。

薛嵩。田承嗣令狐重。本史思明之降將也。唐以薛爲潞州節度使。田爲魏博節度使。令狐爲滑臺節度使。三鎮結爲婚姻。不奉中央之命。唐之河北。於是失矣。唐人楊巨源。記薛嵩帳下有紅線女者。殊可異焉。田承嗣將伐薛嵩而奪其地。嵩甚憂之。紅線夜往田承嗣帳中。盜其枕旁所置之金合。而歸衛兵森嚴。皆無知者。翌日。薛嵩乃發使入魏。還其金合。而爲之辭曰。昨夜有客從魏中來。云自元帥牀頭。獲一金合。不敢留駐。謹却封納。承嗣以失合故。正在搜捕。得書大驚。侵薛之謀。於是止焉。相傳紅線女可行至極速。洞房密闥。亦能伺隙而入。蓋劍俠也。唐人所記劍俠極多。雖不無傳會處。或古人確有此技。後世失傳。亦未可知。

專制之朝。積威所至。雖一衣一節之微。亦能使人臣凜於天澤之嚴。而自然屈服。若忠武不過一朝廷大臣。而田承嗣李靈曜跋扈之將。雖朝廷之威令。亦不遵行者。獨於忠武則嚴憚之。蓋爲忠武之電氣所感服矣。忠誠之氣。卽彼至強。

之電氣也。

忠武一生櫛風沐雨。躬冒矢石之時爲多。加以憂讒畏譏。朝夕不歡。宜以此損其壽矣。乃克享期頤。爲古來名臣大將所未有。緣其存心寬厚。湛然如水。淵然如天。元氣不動。而精神亦不竭也。忠武從未談養生術。而善談者亦不及焉。

第九章

遺事

論史者嘗謂英雄不拘小節。釋之者曰。英雄之智勇多出於天賦。不如學者積數十年之修養。非禮勿動。非禮勿言。非禮勿行。非禮勿視。防檢甚嚴。雖小德亦不踰也。自有此語。於是酒色貪橫轉爲英雄之本色。而古今無完人矣。

忠武一生之功業。既如上述。讀者當無不許之爲英雄矣。及觀其平居克己自治之嚴。無異學士。從此知酒色貪橫不拘小節者。萬不得謂之英雄也。自有英雄不拘小節之語。彼綠林之盜。亦得自託於英雄。而人欲縱恣爲世之大害矣。故輯忠武之私

德以著於篇。

忠武之子曖。尙昇平公主。嘗與爭言。曖曰。「汝倚乃父爲天子耶。我父薄天子而下爲。」公主悲。奔車奏之上曰。「此非汝所知。彼誠如是。使彼欲爲天子。天下豈汝家所有耶。」慰諭令歸。忠武聞之。囚曖入待罪。上曰。「鄙語有之。不癡不聾。不爲家翁兒女。閨房之言。何足聽也。」忠武歸杖曖數十。

邊塞事急。則遣忠武出征。立功卽還朝。率以爲常。大曆四年。自邠州還。魚朝恩邀之遊章敬寺。元載恐其相結。密告忠武曰。「朝恩謀不利於公。」忠武不聽。將士請東甲以從。忠武曰。「吾國之大臣。彼無天子之命。安敢害我。若受命而來。汝曹欲何爲。」乃從家僮數人而往。朝恩驚問其故。忠武以所聞告。且曰。「恐煩公經營耳。」朝恩撫膺流涕曰。「非公長者。能無疑乎。」

忠武在朔方。嘗奏除州縣官一人。朝廷不報。僚佐以爲言。忠武曰。「兵興以來。方鎮跋扈。凡有所求。朝廷必委曲從之。蓋疑之也。今某所奏。朝廷以其不可行而止之。是

不以武臣相待而親厚也。又何怪焉。」聞者皆服。

忠武不悅張曇。有吳曜者。又從而讒之。因奏曇扇動軍衆。誅之。掌書記高郢力爭。忠武不聽。奏貶郢。旣而僚佐多以病求去。忠武悔之。悉薦於朝。曰：「吳曜誤我。」遂逐之。

代宗將葬。禁屠宰。忠武之隸人犯禁。金吾將軍裴謂奏之。或謂曰：「君獨不爲郭公地乎。」謂曰：「此乃所以爲之地也。郭公勲高望重。上新卽位。以爲羣臣附之者衆。吾故發其小過。以明郭公之不足畏。上尊天子。下安大臣。不亦可乎。」忠武聞而謝焉。

盜發忠武父墓。捕盜未獲。人以魚朝恩素惡子儀。疑其使之。忠武心知其故。及自涇陽還朝。議者慮其構變。公卿皆以爲憂。及忠武入見。帝言及之。忠武號泣奏曰：「臣久主兵。不能禁暴。軍士殘人之墓亦多矣。此臣不忠不孝。上獲天譴。非人患也。」朝廷乃安。



僕固懷恩引回紇
吐蕃入寇。忠武使
其子晞將兵救邠
州。晞縱士卒爲暴。
節度使白孝德患
之。而不敢言。段秀
實自請補都虞候。
晞軍士入市取酒。
刺酒翁。壞釀器。秀
實列卒。盡取其首。
注藥上。植市門。晞
一營大噪。盡甲。孝

德恐秀實曰「無傷也。請往解之。」選老嫗音辟與嫗同者一人持馬至晞門。甲者出。秀實笑且入曰「殺一老卒。何甲也。吾戴吾頭來矣。」晞出。秀實讓之曰「副元帥謂子儀也勳塞天地。當念始終。今兵卒爲暴行。且致亂。亂則罪及副元帥。郭氏功名。其存者幾何。」言未畢。晞再拜曰「公幸教晞以道。敢不從命。」叱左右皆解甲。敢譁者死。秀實因留宿軍中。明日復至。孝德所謝。此雖晞之勇於改過。亦忠武以身作則。有以感之也。

批評

語曰。一取法乎上。僅得其中。一言懸格之不可不嚴也。古人豈無短處。然吾人萬勿僅記其短處。以爲酒色貪橫。卽古人亦所不免。我輩不必自苦也。雖小疵不能掩大醇。而白璧微瑕。終減聲價。少年人切勿自寬。學古人當學其是處。毋學其不是處。

暖與公主爭鬻云云。誠一戡公子口角耳。代宗一笑遣之。尙有君人之度。縛子

待罪。此舉自萬不可少。

忠武之世。同朝共列者。如魚朝恩。程元振。元載。皆誤國之臣也。或謂忠武何不
力爭於上前。逐而去之。朝廷方倚公爲長城。宜必聽從其言。然肅代諸帝。卽能
因公之言而去三凶。以肅代之暗弱。去一魚朝恩。程元振。元載。安知不更來一
魚朝恩。程元振。元載。公握兵在外。易涉嫌。疑小人在君側。譖之。己之一身。縱不
足惜。其如大局何哉。公所以委曲交懽於羣小之間。而不敢搏擊之。其用心。亦
良苦矣。

忠武誤聽吳曜之言。而殺張曇。事後知之。卽時改正。其勇於改過如此。誰謂英
雄與聖賢有二途哉。

發忠武父之墓者。實爲魚朝恩。唐書本傳載之。朝恩因忌郭氏之盛。故爲此以
壓勝之。然旣發之後。郭氏亦無恙也。小人枉自爲小人。朝恩倘有天良。亦當自
愧。而風水之不足信。亦可恍然。明之思宗。以流寇猖狂。計無所出。默使邊大綬

掘闖賊祖父之墓。

墓在陝西米脂縣

邊氏著虎口餘生記詳載其事。其後闖賊雖敗而

明亦未嘗存也。闖之行爲本無不敗之理。與掘墓事亦無涉也。

Books for Youth
KUO TZŪ I

By

Y. S. SUN

1st ed., March, 1915

10th ed., Oct., 1926

Price: \$0.10, postage extra

THE COMMERCIAL PRESS, LIMITED

SHANGHAI, CHINA

ALL RIGHTS RESERVED

中華民國十五年三月
初版

少年叢書 郭子儀一冊

(每冊定價大洋壹角)

(外埠酌加運費匯費)

編纂者 無錫孫毓修

發行者 商務印書館

印刷所 上海商務印書館

總發行所 上海棋盤街中市商務印書館

分售處 商務印書分館

北京 天津 保定 奉天 吉林 龍江
濟南 太原 開封 西安 南京 杭州
蘭谿 安慶 蕪湖 南昌 九江 漢口
長沙 常德 衡州 成都 重慶 雲南
福州 廣州 潮州 梧州 梧州 雲南
貴陽 張家口 新嘉坡

※此書有著作權翻印必究※

學生校外必讀

教育部
審定
少年叢書

每冊
定價
一角

林萬里孫毓修等編。記事簡明。議論正大。閱之足以增長見識。堅定志氣。凡家有少年。而欲望其將來成偉大之人物者。不可不備此等書籍。使其課餘閱看書目列下。

信陵君	張良	班超
諸葛亮	郭子儀	岳飛
文天祥	王陽明	哥倫布
畢斯麥	納爾遜	華盛頓
大彼得	加里波的	司馬光
富蘭克林	格蘭斯頓	蘇秦
陶淵明	朱子	林肯
德謨士	克林威爾	馬援
蘇格拉底	蘇軾	達爾文
玄奘	拿破崙	

Dear Carl

This is the story of
Rootabunga of John
Chinaman. We hope
you will enjoy reading it

The Chinese theatre
is still going strong
here you must come
and listen to the



Mandarin mine.

Merry Christmas
to all of you
Leon + Dorothy